

kat komp.



17175

I

Mag. St. Dr.

P

Ossoliniski Christoph. Baldov. Corona  
civilis ob cives ab hoste Moscho  
servatos.

PANCO. et VITAE

Polon.

4<sup>o</sup>

N<sup>o</sup> 1092.

Biblioteka Jagiellońska



stdr0003237



# CORONA CIVICA

Ob Ciues ab hoste Moscho  
seruatos.

*Triumphatori Serenissimo & felicissimo*

VLADISLAO IV.

Regi Poloniae, Magno Duci  
Lithuaniae, &c. &c. Moscuæ Victori

GLORIOSO,  
Debita cum submissione.

*A Nobili*

CHRISTOPHORO BALDOVINO de Ten-  
czyn OSSOLINSKI, S. R. M. Cubiculario,  
Equite Aurato, Capitaneo Stobnicen. Ca-  
stellanid. Sandecen. Acad. Crac. Studiofo,

IN DECLAMATIONE PVBLICA  
Ex Palæstra Profess. Eloq. Tyliciani

O B L A T A.







G. R. BIBLIOTHECA  
VNIV. IAGELL.  
CRACOVIENSIS

1717-VI



# Corona Ciuica.



I NON PRIVATO SENSU  
& affectu, quàm salute & dignita-  
te Patriâ, Sereniss: Regis in Repub.  
tuenda sollicitudinem metiamur A.  
N, incredibile fateamur esse bene-  
ficium, quo sibi vniuersos ordines, periculosissi-  
mo confecto bello S. R. M. deuinxit. Nam si  
quid carum in Patriâ homini libero esse potest, si  
Religionis sanctitas, Legum autoritas, Ciuium  
libertas, si deniq; publica Regni, apud externos e-  
xistimatio in pretio est; hæc per S. R. M. ab iniu-  
riâ hostili vindicata felicissimè, agnoscimus. Per-  
domuit felicissimus victor Septemtrionem, cru-  
delissimè armis in nos efferuescentem: conser-  
uauit ab vltimo excidio suæ fidei creditos & per-  
missos ciues: restituit Patriæ, quæ hostilis cupi-  
ditas sustulerat violenter. Exinde insigni quadam  
nos affecit voluptate, cùm inusitato & propè nō  
humano more, in oculis tot populorum instituit



Panegyrim. Etenim insolito quodam genere vincendi, & retrò sæculis antea acta memoria confligit, cum potentissimo & grauissimo hoste, qui nos ad internecionem dies & noctes deposcebat, qui nos nō solum hac luce communi eiectiones volebat, sed omni etiam labe, atq; ignominia notatos, ad ludibrium crudelissimè vniuersis proponebat. cur igitur non omni gestiamus voluptate, quorum salus, libertas, fortunæ, vniuersæ deniq; spes, ad pristinam reuocatae felicitatem? Quid quod, Regnum crudelissima vindicatum impetitione, cogitati facinoris Principes compressi, refrenati; ferrum quod in Patriam nostrā acuerunt, iugulis suis receperunt. Cū verò genti nostræ grauissimam meditarētur procellā, sine tumultu magno, sine diuturno bello, immanitatis machinatores, sublati, compressi, extorta de manibus eorum armā; nunc alijs documento sunt, ne vnquam talis in quoquam existat amentia, quæ contra rem Domini sui, cōtra dignitatē, contra Publicam libertatē, aliquid moliat. Ingens profectò Regni nostri, hæc debet esse lætitia, hostem



hostem nomini nostro extinguendo iuratum, qui  
numeroſo prædatorum agmine noſtris immine-  
bat in Moscuæ Prouincijs, caſtris exutum, fugatū,  
victum, vitam & libertatem, quam armis & fu-  
rore tueri non poterat, precario à Clementiſſimo  
victore accepisse. Magnum fuit eum præſidijs  
ſuis quæ circumcirca Smolenſcum in Coronam  
duxerat exturbari: multo maius Smolenſcum ob-  
ſidione periculoſiſſima vindicari, maximum pro-  
fecto vltimam ſpem Moſchorum, cum eorū Du-  
ce, ſine ſanguine, ſine prælio, vinci, exarmari, atq;  
ad fædus paciſcendum, oſtentato armorum ter-  
rore compelli. Hæc glorioſa ſunt, hæc immor-  
talia, & omnium admiratione celebranda; po-  
tuiſſe à felicifſimo & Sereniſſimo victore VLA-  
DISLAO IV. tam ſubito (inquam) potuiſſe  
hoſtem, commeatu, armis, milite, præſidijs, ag-  
geribus, exercitatione diuturna munitum, inſtru-  
ctum, ſuis Viribus magnoperè præſidentem co-  
erceri, comprimi, à ſuperba contumacia ad hu-  
milem modeſtiam deduci? Nimirum Sereniſſi-  
mus & felicifſimus Bellator noſter longè maiori



felicitate, rem tam formidolosam cum hoste e-  
git, quàm Cæsar ille, qui se venisse, vidisse, vicisse  
dicebat. Cum sola aduentus Serenissimi nostri in  
oras illas fama, hostis ab insania sua remittere vi-  
deretur. Quo circa ob memorabilem & multis  
modis insignem victoriam, ob præclarissimam  
hanc animi Regalis in Rempub. testificationē, ob  
seruatos etiam Ciues, felicissimo victori, cum tri-  
umphales laureas, vetera militiæ gloriose deco-  
ra, potissimum verò, Coronam Ciuicam, omni-  
bus votis & suffragijs decretam declarabo;  
vbi quā tenuitate potero secundos in bello gra-  
ui successus, Serenissimi Victoris extollam; idq;  
promptiore voluntate, quàm dicendi facultate.  
Etenim quò iuuenilis imbecillitas non poterit a-  
spirare, eò mihi grata tantorum in Serenissimo  
victore laborum recordatio, poterit suffragari.

Quæ & quanta felicitas Serenissimi & Poten-  
tissimi Regis in hoste superando fuisset, non ex ser-  
mone cuiusquā, sed ex ipsius temporis æstimati-  
one cognoscere potestis A. N. Namq; cum ægrè  
à grauissimis illis, & primis à Coronatione sua co-  
mitijs, re-



mitijs, respirasset; obiectū eius Sacrae Maiestati negotium perduellis coercendi hostis, qui iam aperte Classicum canere, fœdera frangere, irruptione agros nostros depopulari, & grauiter Smolenscum obsidere nunciabatur. Quid interea animi fuisse putatis recens inaugurato Serenissimo Regi? quem Respub. ordinum omnium consensu, non solum defensorem iuris sui, sed etiam finium propagatorem declarasset? Nunquid tam aperte dissimularet iniuriam? num feruentem, & grauiter infestum nostris hostem perferret? Non is animus fuit Iagellonum stirpi Sanctissime, quæ ad amplificandum hoc Regnū data diuinitus, neque ei gloriosissimo pronepoti fuisset vnquam. Non dissimulauit manifestam hostilis perfidiæ vim: non passus periclitari Prouinciarum suarum populos, sed quantocius ad extinguendam repentinam incendij flammam accurrit, subsidia repentina collegit; vt in ipso limine nascentē rebellionis impetum, quasi Hydram diuinus Hercules frangeret, retardaret. Vix percrebuit fama aduentus in illas oras Sereniss: Regis, recens consensu ordinum

Corona.



Coronati; difficile dictu est, quantum perduelles illi qui sibi cauti & providi atq; omni genere armorum instructissimi videbantur, animis concidere, metum non dissimulare, perturbari, internis laborare seditionibus, cæperunt. Cinxerant arētissimè Smolenscum, aggeribus, cuniculis, arietibus, continuò vim obsessis faciebant; sed quantò pertinacius egerunt, tantò magis conatus eorum irriti, profligati, perturbati. Vis namq; illa vniuersa quæ nostris impendebat atrociter, in eos ipsos grauius incubuit, vt sibi ipsis post modum graues & molesti essent, nobis verò non nimis formidandi: cùm ab Vrbe & præsidio Smolensci turpiter aufugissent. Spem interea omnibus sibi ereptis, in vno capite factionis Principe SEINO collocarant, qui eos intra aggeres quosdā, non tanquam ad pugnam, sed quasi ad certam laniationem collegerat. Sed quid enim? non tanquam milites in aperto campo pugnantes, sed quasi lepores aut cuniculos in fossis suis aut cauernis latitantes. Quid tu mihi virtutem iactes militarem, quem aggeres, quem fossæ altæ, quem ignita vis telorum



telorum, & infinita quædam machinarum multitudo defendat? militari & pugnace opus est animo, non Thraſonica iactantiâ, & imbelli manu. Si quid præclarè & fortiter aggredi velis, nõ humi repere, ſed in aperto cœlo, patente campo, belli aleam experiri, vitam gloriæ & Patriæ obſequentem, conteſtari. Superata nihilominus virtute noſtrorum calliditas hoſtilis, fracta temeritas fortitudine, & ſuperba illa contumacia, iuſtæ conceſſit æquitati. Non poterant felicifſimo & ſapientifſimo victori pertinaces illæ feræ amplius reſtitiffe, ſed abiectis armis, aggeribus exeunt, ſigna ſua & vexilla ad pedes Clementiſſimo Regi vitam deprecantes, & libertatem, deponunt. Hæc ſunt primigeniæ fortunæ Tuæ REX Sereniſſ: Illuſtriſſima Trophæa; quod nationem iuſiurando Tibi aliquando obſtrictam, nunc deditione ſubactam, clementia, manſuetudine, moderatione, in victoriâ præſertim, ſis proſecutus. Nemo vnquam ſeueritatem accuſaſſet Tuam, ſi in perduelles iure belli agere voluiſſes, nemo ſe pro illis oppoſuiſſet quos fortu-



na belli Tuos esse voluisset, in quos Tibi vitę &  
necis arbitrium dedisset. Tuum erat vel capitis  
reos agere qui contra Te Principem communi-  
bus suffragijs illi Imperio declaratum, ita hostili-  
ter egissent, & præstantius Imperij caput grauiter  
infectati essent; & nihil relinquerent eorum quę  
ad Te euertendum, ad nos opprimendos, ad ex-  
tinguenda omnia Diuina & humana facere po-  
tuissent. Cùm verò clementissimè satis, cum vi-  
ctis egisti: cùm libertatem, vitam præsentem,  
concessisti: spem melioris fortunę, si obsecun-  
dare vellent iniecisti; quo præconio tantam vir-  
tutem, tantum in summa potestate rerum o-  
mnium modum efferremus? quā prosequemur  
gratulatione Tuam Rex Sereniss: felicitatem?  
qui & vincere scias, & hosti subiugato, sed sup-  
plici veniam concedis. Itaque narrabitur ista  
Tua fortissime Rex clementia, consequenti poste-  
ritati, fuisse tam beneficum Sereniss: VLADI-  
SLAVM I V, & clementem in hostes, vt  
eos quos belli Mars vniuersos oppresserat, ma-  
gnitudine clementiæ suæ conseruauit: neque  
conser-

trahit solum, sed etiam pristinae laudabiliter resti-  
tuit fortunæ. Sed cum longè maior gloriæ Tuæ  
amplitudo ex Ciuibus conseruatis, quàm hosti-  
bus superatis: tam cōmemorabili apud omnes  
Tuæ fortitudini Ciuicam CORONAM quæ im-  
mortali fama vrbis per Te ab extremo interitu  
vindicatæ, floreat: dedicamus, consecramus.  
Diuis immortalibus eam sacram esse volebat an-  
tiquitas Coronam, quòd Urbium & populorum  
tutela, ad eos solos pertinuisset. Profectò Di-  
uinam oportebat illam esse in Te virtutem, quæ  
tantum impetum, infinitam hostium multitu-  
dinem, eorumque magnopere inflammata,  
Vrbis & arcis Smolensci excindendæ cupidita-  
tem, subito compressisset, arcuisset. Eam id-  
circo non vt humanam, sed cælitus ad leuan-  
dos hominum oppressorum casus, demissam in-  
opinato fortitudinem in Te veneramur. Te illi  
Serenissime Rex, quos tam præsentī conserua<sup>ti</sup>  
periculo ( omnes autem conseruasti, cum Rem-  
pub: defendisti ) per omnem vitam, secundo  
post Deum prosequuntur cultu, cuius operâ, &




manu, DEVS Opt. Max. in nobis ab extremo  
vindican-  
dis interitu, est vsus. Vtque prope-  
rata extitit in nos à Te beneficentia, ita no-  
stram tardio-  
rem, nollemus esse gratitudinem:  
tantum enim gratiæ quisque detrahit, quantum  
moræ adijcit in beneficio cōmemorando. Con-  
spectioribus idcirco in locis, magna hominū fre-  
quentia, hæc amplissima defigem⁹ Tuæ victoriæ,  
& nostræ felicitatis trophæa, in quæ nulla vis tē-  
poris, nulla iniuria vetustatis possit. Florescent  
illa quotidie magis, atque solidam Triumpho-  
rum Tuorum gloriā, posthumā etiam antiquita-  
tis memoria, tuebuntur. Quod reliquum est;  
vouemus ex animo, Tuam adeo impensam &  
fidelem in Repub. augenda & ornanda operam,  
glorioso rursū, ex Othomano subacto, ampli-  
ficari & magis illustrari Triumpho. Siquidem  
nihil fuit, quodcunque ad amplificandam Pa-  
triæ libertatem & dignitatem pertineret, quod  
non sollicitè, laboriosè, & vigili studio præstare  
velles. Sentiet iste cruentus & insolenti furens  
audaciā prædator, vigilare contra eius robustam  
improbi-

improbis, caelestem in causa nostra prouidentiam: atque eius ipsius pro Serenissimo Rege, felices poni excubias, qui eum, non multo ante, Christianitatis totius contra similem Asiaticorum impressionem, felicissimum voluit esse defensorem.

DIXI.

Reſtoratu Magnifici Domini CHRISTOPHORI NAYMANOWIC Medicinæ Doctoris & Profefſoris.




C R A C O V I Æ,

*In Officina Matthiæ Andreouienſis, Anno Domini, 1634.*









XXIV 57





